



كـان هنا

مجدىعطية



23

تعبنى بنشر الأعسال الإبداعية لمبيدعي مسعدر المستحسقين

رئيس التحرير التحرير مدرير التحرير مدرير التحرير التحرير التحرير التحرير مكرتير التحرير

سلسلۀ حــروف

تصدرها الهيئة العامة لقصور الثقافة

رئيس مجلس الإدارة
سعد عبد الرحمن
أمين عام النشر
مسحمد أبوالمجد
مدير عام النشر
البتهال العسلي
الإشراف الفني
د. خالد سرور

- كسان هنسا
- ه مجدی عطیة
- الطبعة الأولى:

الهيئة العامة لقصور الثقافة القاهرة - 2013م

القاطرة - 1955 5ر13 × 5ر19 سم

• تصميم الغلاف،

د. ځالل سرور

- رقم الإيداع، ٢٠١٢/ ٢٠١٢
- الترقيم الدولي، 0-593-718-978
 - المراسلات:

باسم / مدير التحرير على العنوان التالى ، 16 شارع أمين سامي - قسمسر السعسيسني القاهرة - رقم بريدى المالا ت ، 27947891 (داخلى ، 180)

الطباعة والتنفيذ ،
 عركة الأمل للطباعة والنشر
 ت ، 23704096

الأراء الواردة في هذا الكتاب لا تعبر بالضرورة عن توجه الهيئة بل تعبر عن رأي المؤلف وتوجهه في المقام الأول.

حقوق النشر والطباعة محفوظة للهيئة العامة لقصور الثقافة.
 يحظر إعادة النشر أو النسخ أو الاقتباس بأية صورة إلا بإذن
 كتابى من الهيئة العامة لقصور الثقافة. أو بالإشارة إلى المعدر.

كانهنا

واحد من جماعه منشقه هوائي زي الفصول الأربعه محدود النظر محدود النظر خيالي محشور ما بين زحمة أفكاري رجلي بتلغي قانون الجاذبيه أعرفك بنفسي أكثر من مواليد برج الجوزاء

أما الاسم والسن والمهنه لسه مقايض بيهم من ساعه على فرصه ها تسبقني ع البيت .

تمثال

على خط بارليف بازحف في الفراغ جسمي مليان بالرمل والهزايم جسمي مليان بالرمل والهزايم (البلد بتتحرك) وأنا زي تمثال على آخر الخليج في خلف خياطة البنطلون رجلي مضمومه على شكل هرم مقلوب رجلي مضمومه على شكل هرم مقلوب

باشاور عقلي إزاي أهرب بره حدود أفكاري واسيب خيالي ع الأرض للتمويه ها يجري إيه طابور ذنب زياده مقدور عليه ع الأقل متطمن ع الأقل متطمن مافيش حد كشف النقطه الحصينه جوايا .

الساحرةالمستديرة

حط كل همومه شاط الكره الأرضيه جايز الدنيا تضحكله ويخرج ويخرج للأضواء والشهره مخه في رجليه ورجليه ورجليه ماشيه ترقص طوب الأرض

تسلمه حصته م العرق والإجهاد بفضل خططه المكشوفه أمتار قليله وتفصله ما بين الواقع والخيال عينه على الساعه رجليه مظبوطه ع الهدف مستني العداله تنزل وتكمل بضربة حظ

تكون بدايه حقيقيه عالم الساحره المستديره.

بخسار

ماشي واللاطاير ما تفرقش جسمي خفيف حركاتي سهله أقدر بحركه واحده أخطي البحر يمكن يمكن دخلت مرحلة إنعدام الوزن

أفكاري لحد كده ودورها انتهى روحي بتتبخر روحي بتتبخر من هنا أقدر أشوف مشاعري جزيره نائيه ببساطه أقدر أهجرها ياما عذبتني لأسباب تافهه قررت أستغني عنها

. كمان مش هاحتفظ بأي ذكريات تفكرني بنفسي نفسي اللي دوبتها اللي دوبتها يظ كاس.

محورالشر

ما انفعش أكون جنّه وساكني شياطين الدنيا اتهيألي اتهيألي إني مجرد كفر عشوائي مش باين ع الخريطه أقل من نقطة في بحر يادوب شوكه يادوب شوكه في ضهر الحكومات المتواليه

مجبر
أصدرالشر
قبل ما يجيني في صورة مدن
توسّع دايرة نفوذها
وتلاغي الطير في السما
ناويه تقطعني لستميت حته
قول سبعميّه

آخرتها قصيده هاطخها أركنهاع الرف جنب أخواتها لغاية ما اخصخص أفكارهم واقدر أشوفها بالعين المجرده.

إرهياب

مجرد انفجار صغير كل حاجه تخلص . إيدي في ناحيه رجلي في ناحيه وانا ... في ناحيه تانيه باتفرج ع المنظر دي إيدي كانت في حالة بطاله

آخرتها كومة لحم جنب الرصيف عشوه مجانا الأي كلب هايعدي هاقول رزق الهبل وأقدم له رجلي وأقدم له رجلي اللي مشيت على ضهر الدنيا بتدور على قبر تخشه وفضلت أسيبها مكشوفه

تشاورع اللي فضل مني وماحدش عاوز يلمّه رغبه متأخره في الانتقام كان لازم أسبق الموت عشان أتخلص من حاجه اسمها الخوف هاقدمه لأعدائي على طبق من فضه أعدائي اللي حاربتهم في خيالي وهزمتهم في قصيدة بتشرّ دم

م الكوره العضم اللي في الركن ده كانت من شويه جمجمه مخزن الأسراري اللي اتبعترت في الهوا بتبص على جثه متنظوره في عرض الشارع كنت من شويه جواها.

السيسرك

ما كانش حمار وحشى كان عادي جدا اتولد في سيرك زي أصحابه زمايل مهنه واحده تفرق بس في الأكل والنومه وضهره يوميًا بيخططوا له يومه وضهره مش هاينسى أبدا العلقه اللي خدها وضحك الناس عليه بسبب المطره

من يومها انقطع عيشه واضطر يقبل أي شغلانه مره تلاقيه مربوطه في عربيه بيجر رجليه م التعب الليل مملكته الوحيده بيقدر يختلي بنفسه بعيد عن الزحمه والكرباج بعيد عن الزحمه والكرباج الحياه حلوه مع عودين برسيم

هايقضي بيهم السهره
يفتكر حركات زمان
الألوان اللي ساحت
وسابت على جلده أثر
كل اللي فضل له
شوية مشاوير
شالهم ومشيهم شارع شارع
لغاية صحته ما راحت

ولأنه حمار قرر يطور نفسه رسم غابه وهرب فيها طول الليل م الأسود بدل ما يموت قدام كارو أو يفطس من كتر الحموله.

الذكرى الخالدة

واقف على منطقة الحدود باتأكد إن أكياس الزباله ما هربتش للشارع من ريحتها أقدر أحدد عمرها كمان أتعرف على صحابها إن كانوا أغنيا أو فقرا شياطين واللا ملايكه أول حاجه ها عملها أول حاجه ها عملها أكنس الدموع اللي ما تخصّنيش

وموقعه منطقتي في غرامه محتاج جراءه في لها مش هاحتفظ بأحلام مبهدله الشارع اليوم لسه فيه جزاءات على مشاوير هامُرع الصناديق اللي ما ترسمش عليها سهام وقلوب وعبارات للذكري الخالده مكان مناسب جدا ألزق عليه صوري.

حواديت

كل يوم بيروح معايا يكلمني عن نفسه عن رجالته اللي ماتت في الحرب واللي السجن ظلم على حد قوله ذكريات بيتعكز عليها خرجت على هيئة دموع كشفت عن نبرة حزن جواه ماللي جرحوه في رجولته نسيوا تاريخه اللي كتبه ع الحيطان بالدم شوارعه مفتوحه

لكل من هب ودب احتلال ممكن هزايم ما يضرش اعلى عدوينه نار على عدوينه في الآخر في الآخر بيشبع رغبته في سماع الحواديت وانا باحط رجلي على أول سلمه لبيتنا.

فسرصة

ديته فرصه هو بيقول كده أبو سنتين واقعين من قعر القفه كان نفسه يبقى إيه سلطان كل يوم يلم الإيراد ويرمي الفتافيت حلم بالمثروه

اللي هايلاقيها صدفه في الشارع وازاي هايبددها في مشاريع خسرانه ويسكني في آخر دنيته الفاضيه فيها كل ما هاتشتهيه نفسي الله عليك يا عم ياللي ناوي تبقى سلطان جملة شامم فيها ريحة مزيكا بتخفف التوتر والقلق اللي جائي بائي بائي الله عليه المناه الله عليه المناه الله المناه التوتر والقلق اللي جائي المنه بينعكش في الزياله

ع الفرصه اللى هاتغير مجرى حياته أبو سبع صنايع وعجله بكره هاتبقي أربعه يمشوا الحال ويدوروا الساقيه الساقيه اللي اتربط فيها وبتلف على رقبته يا ترى ناوي على إيه بعد الخنقه اللي اتحط فيها

وسابني متشعلق في الهوا لحد روحي ما طلعت واحده ... واحده...

خسوف

ما نزلتش أجازة من ٢٧ ده كلام العفريت اللي طلعلي من تحت الأرض طبيعي إني أخاف وشعر دماغي يقف انتباه وشعر دماغي يقف انتباه زي عساكر خدمه بيفتكرني قائد مهزوم ضحى بجيشه عشان يعيش ضحى بجيشه عشان يعيش

طبعا

قاصد يسبب لي صدمه ورعب ما بينا سوء تفاهم هايعرفه فورا مأدى الخدمه من ١٥ سنه جندي مجند حايز على شهاده في حب الوطن مع قدوه حسنه هاتفتحلي بيبان مقفوله

تقريبًا مش مصدق أفضلي أهاوده أمضيله أجازه مفتوحه يرجع ع الحرب الجايه ضروري أأمّن نفسي م العفاريت قبل ما أتاخد أسير ويحولوا جسمي لقاعده عسكريه ودماغي برج مراقبه

تصور جيوش الجراثيم اللي احتلت أفكاري.

ع السريق

باخرج ملازمني الفشل

متعاطى إحباط

بدايه مأساويه

لقصيده هاتطير فيها رقاب

والبرج اللي فاضل

على إني أقصر الشر

أنهي معركه غير متكافئه جوايا

باستسلم فيها لبنات آوي

رغبه في الهزيمة ه كافكا حل عن سمايا شامم ريحتك من أولها نويت اهرب من مستوطنة العقاب بالمره أتخلى عن مفردات وجمل أصبحت هياكل عظميه زي الخيانة، الانكسار

ثم انهیار ف روح خربانه محتاجه ترمیم
یلیها جرح بینزف من قبلی
نتیجته دموع متراکمه
کونت جوایا میاه جوفیه
هاتروی الصباره اللی جنب دماغی
زی ما توقعت
نهایه سودوایه لقصیده
قررت أنهیها علی کده.

أرواح

خسر حروب كتير ماڻهوش فيها ناقه كان بيفض اشتباك بين فرق الأرواح المحموله جوا والمحطوطة أرضًا منابة غير إنه اتغز بصاروخ سابله عاهه مستديمه خلته مدمن هزايم

شربها وهو طالع م البيت كل يوم بيتهم على أرواح بتقل في رصيده منها اللي راحت في غمضة عين واللي فككها قطع غيار مش ضامن اللي بيحصل في روحه اللي بيحصل في روحه زي المناطق الحساسه

دايما بتحتاج صيانه بسبب سوء الاستعمال فاضله روح وحيده قافل عليها في جسمه وخايف لتهرب منه.

باتفرج على نفسي من بره
الصحه بمب
مليانه شاي وسجاير
مشاعرى ملخبطه زي عفش البيت
قدرت أرتبها بصعويه
تقريبا ما كنتش حاجه
غير ضحكه بتصحي الجيران
ملامحي فأكرها طشاش

شفتها صدفه في المرايه خايفه لاكشفها لحد ما تترعش م البرد هافضي عيني م الدموع واضحك ع الآخر من دنيتين بيتفرجوا على بعض ما بينهم روح بتنقط كوابيس.

حبيوانات أليفة

بعد ۱۳ دقیقه ما بین شد وجذب خُدِت حیواناتی الألیفه وراحت لحالها بالعنها یخ سری عشان سابتلی ریحة عرقها ومجموعه من حرکاتها المثیره أمشی بیها الحال باستهلکهم ع المدی البعید

حركه حركه مش عارف بكره الدنيا فيها إيه خليني زي ما انا بادرب حيواناتي المتمرده ع الطاعه كلهم رايحين لمكانهم الطبيعي أما أحب الحيوانات لقلبي هاحتفظ بيه للشيخوخه أحكيله عن فترة شبابي

وكمية الأحلام اللي رميتها تحت عجل التريلات ومشيت خفيف أديله كل اللي حيلتي شوية ورق حاطط فيهم كل عبقريتي حاطط فيهم كل عبقريتي في لحظة ضعف كان ساعتها الشيطان شاطر سابني أرتكب جرايمي في هدوء.

هسجرة

هنا حياته بدأت لحد ما فضي عليه البيت وروحه بقيت ع البلاط هاجر مع اللي هاجروا ورجليه ما جاتش رجع مسنود على جبلين ما بينهم أرض واسعه آخرها البحر المنفذ الوحيد للهروب

فكر يرسم سجن وهمي ويعتقل كل اللي بيحبهم كان مسكين جدا وهو بيزحف هوق الحصيره بيلم فضلات مشاعر سابوها اللي كانوا هنا من شويه قصده من سنين هاتفرق إيه

قاعد لوحده بيحضر في روحه ناوي يعلقها في الصاله وقرر يعرضها على أرواح جايه بعده شايله رجليها على كتافها وراجعه م الهجره.

وصيه

كان فيها إيه لو سبته يوزع ثروته بنفسه رحمه ونور على روحه الله يرحمه كان عبيط لأ .. فيه شيء لـ.. لله حاجه تحير حاجه تحير زي بن لادن حي أم ميت؟ اتصل على زيرو تسعميه

هاتكون الشفره
لزيارة الراجل الطيب
سميته مؤقت الراجل الطيب
أقرب الحلول لنفسي
يمكن ما بينا عمر مشترك
وتاريخ طويل م الفشل
مالك السرير الحديد أبو مخده ناشفه
ترمح فيه الخيل ما تجبش آخره

بص بانكسار في الفراغ اللي سابه الله يسامحه ما كانش يقصد يموت ويسيبني دايخ ويسيبني دايخ عاللي يكمل سلسلة هزايمه.

مسوميا

مرفوع م الخدمه مؤقت عطل حواسه بدل ما يستهلكها ع الفاضي رتب أوراقه وراجع الأخطاء اللي ارتكبها يلا النص الأولاني من حياته حنط جسمه لحد الظروف ما تتحسن

نام بعدد شعر راسه هایصحی ع الألفیه اللی یسکن فیها تکون الناس والمدن غطاها التراب ماکانش مجبر یضیع النص التانی من عمره یضیع النص التانی من عمره یخ حضاره مرهونه بشویة ریح کان جواها حبابة رمل دلوقتی

أقدر أكون المرجع الوخيد لعصره القديم المتعدد المقديم أكشف عن كنوز مستخبيه في بطن الأرض من تماثيل وجبانات ومساكن شعبيه اتبنت مخصوص للطبقه العامله ما كانش واحد منهم كان مرفوع م الخدمه.

فصيحة

هيأت نفسي للشر
وقررت أستغلها
وهم عيشته
بعد ما رفعت حاجب
ونزلت أخوه يأمن لي المكان
اللي هاعمل فيه بروفه على شكلي الجديد
كده هأقدر أهددها
بعد ما شرح حجم الفضيحه

اللي هاتهز بيتها الصغير هنا المفروض تتفجر مزيكا مرعبه بحركه من صوابعي هاتخاف وتركع هاتخاف وتركع شبيك لبيك مبدئيًا هاطلب لبن العصفور وأتغطى بريشه وأتغطى بريشه إيه المانع أعيش يومين

سفلاه فرصه فشلت أنتهزها وأكون واد شراشي حس بضعفه الحقيقي قدام علاقه غراميه ابتدت صدفه وكانت هاتنتهي بفضيحه،

تراجيليا

ماقدرتش أشوف أفكاره
وهي بتعدي قدام عينه
قبل ما يعرضها للبيع
جنب مقتنياته العظيمه
بكره تتحط في متحف ذكرياته
زي قميصه
اللي طار بيه فوق السحاب
ونزل حاطط رجل على رجل

بيكلمني عن آخر صفقاته المضروبه اللي خسر فيها نفسه مسنودع الفراغ جمله مستهلكه مالقتش غيرها أسنده عليها بينه وبين الجنه سيجاره واحده تخلّي روحه في أماكن بعيده

يتكلم عن العمله الصعبه عن تراجيديا حياته نفخ في وشي أحلامه وداب في ذكرياته.

صحيفة سوابق

ناوي أعترف بأدق التفاصيل أتكلم عن مذكراته لقيتها ملفوفه في صحيفة سوابقه حرامي الجبل كان نفسه حد يقبض عليه بدل الشحططة من خُن لمغاره قدر يضلل الحكومه بوش صفيح

قلب واكلاه البارومه
ومشاعر خرده
یاما خلصوه یخ ساعات الخطر
من دنوب أخف من ریشه
وأتقل من جسمه
اللي عمله نفق استخبی جواه
المكان الوحید
جرجر فیه روحه من سكات

بعد ما عمل الجرايم اللي نفسه فيها قرر بعدها يتوب علشان يرضي ضميره ويخرج من الدنيا صاغ سليم مجرد حرامي بسيط جرايمه جرايمه

نسيبان

ممنوع الاقتراب
منطقة خطر جوايا
محاصرها بالنسيان
أنا كده
باكشّ في جلدي
محتاج وزنه خفيفه
توزن سيئاتي وتحطها في النار
واسعه شويه

ما هي لازم توسع
دماغي طايره مع سرب عصافير
وراجعه تحط على جسمي
ترسم في الفراغ
جبل عتاقه على هيئة تمساح باركبه
نفسي أخش بيه في أمريكا
يمكن أعلم عليها
بسببها شطبت الخبل

وسممت التمساح اللي راح ضحيه لأفكاري أعمل إيه دنيتي سقفها واطي دنيتي سقفها واطي لدرجة إني نسيتها زي كل اللي سبقوني.

صياد الأحلام

ماشى
بيودع كل حاجه
عينه ماشفتهاش
وسايب دنيته فى البيت
صبى الورشه
م النجمه فاتح قلبه
وبيرش مشاعره
ع الرصيف

مستنى الزبون اللى عينه هاترتاح على كراسى من صنع أفكاره على كراسى من صنع أفكاره منها اللى راجع للعصر الماضى واللى يشوف المستقبل مستغنى عن شهواته لحلم يقدر يفرجه ع الآخره ويرجعه تانى

فرش تحت رجله شوارع ضلمه ودموع مطفیه بیفتش جواه عن معانی جدیده للحیاه.

كشك

لو سمحت كيس شيبسي بطعم الخوف من فضلك دستة شمع تنور الضلمه اللي جوايا بعد إذنك قلم ما بيكتبش لو سمحت، من فضلك زحمه مش عارف يهرب منها

وشه للبحر
عينه ع الجبل
خايف لايقع على دماغه
ويكون القبر اللي هايليق له
أفكاره بتتمشي بره المكان
وسيباه مع بضاعته ع الطريق
(بيخزن دموعه لموسم عياط)
يمكن عشان كده

مش قادر يلون الدنيا زي زمان مستني النهار يطلع ويلم حصته م السهر مشاعره سبقته ع البيت باقي ذكرياته في الشنطه علقها على كتفه وسلم رجله للمرواح.

بوسي

أعملك إيه انت اللي قولتلي أرمي نفسي في البحر وأرجعلك روح وأرجعلك روح تتكلم عن تاريخك من أول انتفاضه الحراميه لغاية مظاهرة محمد بوسي المجرم البسيط

صاحب الشعبية الطاغية كنت شايل نعشة على كتفك وشاورت للكاميرا بعلامات النصر أيوه أيوه قولتلي اعترف بهزيمتك أطويها تحت باطي ألف بيها البلاد أفردها على أد غطايا

أموت وقت ما أحب وأعيش زي ما انت عايز.

نحات

جربت كل الطرق في نحت مشاعري عشان أناسب العصر الحديث أتكلم عن العبودية عن مستقبل عن مستقبل عملت فيه طريق مسدود ورجعت أنحت ف الصخر محتله

ماعرفش إيه اللي خلاني ماعملش للحريه تمثال أحطه في الميدان اللي سابه رمسيس واداني فرصه أجسد قاع المجتمع أوهب للجماد حياه أكلمه ويكلمني عن دوره في تخليد البشر

ودوري في تخليده كنحات بالفطره زي أجدادي الفراعنه.

كتبت قصائد هذا الديوان في الفترة من ٢٠٠٠م. إلى ٢٠١٠م.

سيسس صدر للشاعر سيسس

- * مشاهد من دنیا صغیرة، فرع ثقافة السویس هیئة قصور الثقافة.
- * ركن فاضي، سلسلة الكتاب الأول المجلس الأعلى . للثقافة.

بدون إهداء المداء
تمثال
الساحرة المستديرة
بخار
محور الشر
إرهاب
السيرك 23
الذكري الخالدة 27
حواديت
فرصة
خوف
ع الريق
أرواح
منتبة الإسلامية المسلامية
التزويسا

47	صورة
49	حيوانات أليفة
53	هجرةه
57	؛ وصية
61	موميا
65	فضيحة
69	تراجيديا
73	صحيفة سوابق
77	ئسيانئا
81	صياد الأحلام
	<u>کش</u> ك
89	يوسى
91	تحات
93	صدر ٹلشاعر

هذا النيوان ينتمي في مجمله إلى شكل ويتضفن متن الخطاب الشعري تجارب معيشة من الحياة المصرية، بسيطة وحقيقية المصرية، بسيطة وحقيقية المسيطة، الشاعر بشكل اساسي على اللغة السهلة، المائة، للقادرة على اقتحام القلوب دون معاناة، لنقل تجربته الشخصية داخل قصيلته بلا تكلف أو معاناة تضعه في حيز المحاكاة، فالشاعر هنا له صوت خاص، ونبرة خاصة، تنتمي إلى الشعرية الجبيدة في المصيد النئري بشكل عام وتعد إضافة المصيدة العمية المصرية النثرية.





